

المارد السارد

اول ما وعيت ع هالدنيا
شفت ناس مصفوفين
قدامي عم برفقو...

بعد ما خلصو وقعدو. اجو ثلث
اشخاص لبسين زيتي من فوق
لتحت حطو باقة ورد حد اجري

موسيقى.. مشروبات.. ضحكة
ع وج كل الموجودين. كان جو
احتفال رائع، كله فخر وانجاز.

وبين هالناس، كان في واحد
شايب لابس عوينات مدور، عم
يتلقى تهاني ويعمل مقابلات.
عرفت بلحظتها انو هيدا بيبي

الكثيرة الوقت. كان البيا عم
يحكي بالاجنبي. ما فهمت شي
عليه. صرت تسمع ع كل
الموجودين وشوي شوي
بلشت اكتشف...

بسموني "مارد من رمار"
انا جيت من جروح هالمدينة
واهلها. ناس بعد ما طابت
جروحا اللي انا حيت منها...
او هيك شي... بكل صراحة
بعدني لبلق مش
فهمان شو يعني...

وقتها حسيت حالي شي عظيم!
بس بعد ما راحو المعازيم
وصفيت لوحدي زاد معي الضياغ
عن هويتي والمعنى لوجوبي

لقيت نظرة ع اللي حولي
وانصدمت... شو صابر هون؟
لي كن في زفيف وموسيقى
اذا تاركيني بهالمكان الكئيب؟
ميسوطين لان عم يخلصو مني؟

بعد ليلة طويلة من التفكير والفاق
استنتجت انو شو ما كان صابر
هون... البايا جمعني وخلقني من
بقايا هالمكان. يعني انا من هون
من قبل هالدمار كله

وعطاني وظيفة جديدة اللي
هي انو انا بدل ما كون جزء
من الدمار، صرت بمثل الامل
وصمود هالمدينة ارتحت كثير
وقديت باقي ليلتي عم شوف
السيارات عم تروح وتجي

مرقت الايام ومرق عليي
كثير من السيارات اللي رايحة
جايي لطواير السيارات اللي لا
بتروح ولا بتجي، مينة بالعجقة
والقرف والاحباط...

من هالاعتصام الصغير للمظاهرة
الكبيرة، اللي بغض النظر عن
المسرحيات والبطاجة اللي صارت
هالنهار، منها بلشت افهم عالمضبوط

من المظاهرة بالنهار للمسرح يلي
ايننا حدي لبرنامج هيدا الاصلاغ
السميك، اللي حاوط حاله بناس
مقهورة عم تطالب بالعدالة وهو
عامل حاله مأثر

بعد هالكلم يوم اللي قضيتون هون،
فهمت انو انا نتيجة زلمي واصل
ما يعرف انا عن خباثة وسوء نيّة
او عن هبل، حب يلعب بعسرح
جريمة فظيعة صارت هون من سنة

من الايام يلي ما مرق فيها ولا
بشري للاعتصام اللي كان بوجي
دغري. كانو الرجال الزيتية تاغول
الورد عم بيعو المعتصمين... يمكن
ليحموني، بعتقد كان اعتصام ضد
وجودي انا...

هلق صرت افهم هالكلمة يلي
بسمعها بعجقة السير...
"عرض"! انا طلعت بمثل الياس
والقرف بهالمدينة... انا مارد من
تعريض انا الفن ال"سياسي"
بواقع كله سياسة!

ولك الله يلعني...

جريمة بعد التحقيق فيها ما خلاص
وفي ناس عم تعمل اغاني ومسرح
لبرامجها. وعملوني انا! حطو لي
بركة وموتير ليخ مّي قال... ببلد لا
في كهرية ولا مّي

...ويلعن هالمدينة!

